

Milliy va chet el valutalarida talab qilib olinguncha depozit hisob raqamlarini ochish va unga xizmat ko‘rsatish uchun shartnoma tuzish bo‘yicha jismoniy shaxslarga
OMMAVIY OFERTA

1. UMUMIY QOIDALAR

- 1.1. O‘zbekiston Respublikasi, Toshkent shahri, 100029, T. Shevchenko ko‘chasi, 1-uy manzilida joylashgan “Invest Finance Bank” aksiyadorlik jamiyati (keyingi o‘rinlarda “Bank”) ushbu bilan mazkur ofertani qabul qilgan jismoniy shaxslar (keyingi o‘rinlarda “Mijoz”) ga quyida ko‘rsatilgan harakatlarni amalga oshirish yo‘li bilan milliy va xorijiy valutada talab qilib olinguncha depozit hisob raqami bo‘yicha (keyingi o‘rinlarda “bank hisob raqami” yoki “hisobvaraq”) amaliyotlarni amalga oshirish yuzasidan xizmatlarni taklif qiladi.
- 1.2. Ushbu ommaviy oferta Mijozga talab qilib olinguncha depozit hisob raqamini ochishda, shuningdek, xalqaro pul o‘tkazmalari bo‘yicha xizmat ko‘rsatishda milliy va xorijiy valutadagi talab qilib olinguncha depozit hisob raqami shartnomasi hisoblanadi.
- 1.3. Ushbu shartnomaning predmeti bo‘lib Bank tomonidan Mijozning pul mablag‘larini talab qilib olinguncha depozitiga qabul qilish, barcha turdagi hisob-kitob va kassa xizmatlarini amalga oshirish, Mijozning bank hisob raqamiga tushayotgan pul mablag‘larini qabul qilish va o‘tkazish hamda Mijozning pul o‘tkazish va tegishli mablag‘larni berish bo‘yicha topshiriqlarini bajarish, shuningdek xalqaro pul o‘tkazmalari bo‘yicha amaliyotlarni amalga oshirish hisoblanadi.
- 1.4. Mijoz tomonidan Bank xizmatlari o‘z vaqtida to‘langanda va ushbu shartnoma bo‘yicha o‘z zimmasiga olgan barcha majburiyatlari bajarilganda Bank tomonidan ushbu shartnoma bo‘yicha xizmatlar ko‘rsatiladi.

2. SHARTNOMA TUZISH TARTIBI

- 2.1. Ushbu Talab qilib olinguncha depozit hisob raqami shartnomasi jismoniy shaxslar – mijozlar bilan ommaviy oferta shartlarida tuziladi. Jismoniy shaxs tomonidan mazkur ommaviy ofertaning 1-ilovasidagi shakl bo‘yicha Bankka ariza berilishi aksept (ushbu shartnomani tuzishga rozilik) deb hisoblanadi. Bank tomonidan aksept olingan va Mijozga bank hisob raqami ochilgan paytdan boshlab ushbu shartnoma yozma shaklda tuzilgan deb hisoblanadi.
- 2.2. Bank hisob raqamini ochish Mijozning arizasi, shuningdek uning shaxsini tasdiqlovchi hujjatning asl nusxasi asosida amalga oshiriladi.

3. MIJOZNING HUQUQ VA MAJBURIYATLARI

3.1. Mijoz quyidagilarga haqli:

- Bank hisob raqamida turgan o‘z pul mablag‘larini mustaqil boshqarish, o‘z hisob raqamiga naqd va naqd pulsiz shaklda pul mablag‘larini kiritish;
- Agar O‘zbekiston Respublikasining amaldagi qonunlarida boshqacha tartib nazarda tutilmagan bo‘lsa, ushbu Shartnoma shartlari bo‘yicha depozit mablag‘ini to‘ldirish;
- pul-hisob-kitob hujjatlarini tuzish va bank amaliyotlarini amalga oshirish uchun zarur bo‘lgan ma’lumotlarni Bankdan olish;
- naqd pulsiz hisob-kitoblarni rasmiylashtirish tartibi to‘g‘risida ma’lumot olish;

- hisob raqamdagi mablag'larni shaxsiy hamda o'z vakili orqali (ishonchnoma asosida) tasarruf etish, agar O'zbekiston Respublikasining amaldagi qonunlari bilan boshqacha tartib nazarda tutilmagan bo'lsa;
- Bankdan ushbu shartnoma shartlariga rioya qilishni talab qilish;
- o'zi olgan kredit (qarz) bo'yicha garovda turgan o'z hisob raqamidagi pul mablag'larini kredit (qarz)ni to'lashga yo'naltirish;
- mazkur shartnomani O'zbekiston Respublikasi qonun hujjatlarida belgilangan tartibda bekor qilish;
- ariza asosida SMS-xabardor qilish xizmatidan voz kechish.

3.2. Mijoz quyidagilarni o'z zimmasiga oladi:

- Bankda belgilangan ish vaqtiga, to'lov hujjatlarini rasmiylashtirish va taqdim etish tartibiga, amaldagi qonun hujjatlari talablariga, shuningdek, O'zbekiston Respublikasi Markaziy bankining me'yoriy hujjatlariga rioya qilish;
- O'zbekiston Respublikasining amaldagi qonunlariga muvofiq bank hisob raqami bo'yicha hisob-kitoblarni amalga oshirish;
- o'z hisob raqami holati to'g'risida ma'lumot olayotganda, o'tkazilgan amaliyotlarning hisob-kitob hujjatlariga muvofiqligini tekshirish. O'tkazilgan amaliyotlarda og'ishlar, buzilishlar yoki shubhalar aniqlangan taqdirda, bunday ma'lumotlar olingan paytdan boshlab 2 (ikki) ish kunidan kechiktirmay bu haqda Bankni yozma ravishda xabardor qilish;
- xizmatlar ko'rsatilgan kunda amalda bo'lgan Bank tomonidan belgilangan tariflarga muvofiq hisob raqamga Bank tomonidan xizmat ko'rsatilganlik uchun o'z vaqtida haq to'lash;
- Bankka taqdim etilgan hisob-kitob va boshqa hujjatlarda ko'rsatilgan ma'lumotlarning noto'g'riligiga mustaqil ravishda to'liq javobgar bo'lish;
- shaxsini tasdiqlovchi hujjatlariga kiritilgan o'zgarishlar, o'zgargan yashash joyi va bog'lanish telefon raqamlari to'g'risida darhol shu kunning o'zidayoq Bankni yozma xabardor qilish, shuningdek shaxsni tasdiqlovchi hujjatlarning nusxalarini taqdim etish;
- hisob raqam bo'yicha har qanday amaliyotlarni amalga oshirishda shaxsni tasdiqlovchi hujjat (mijoz vakili uchun esa shuningdek belgilangan tartibda rasmiylashtirilgan ishonchnoma)ni taqdim etish.

3.3. Mijoz O'zbekiston Respublikasining amaldagi qonunlariga muvofiq boshqa huquq va majburiyatlarga ham ega bo'lishi mumkin.

4. BANKNING HUQUQ VA MAJBURIYATLARI

4.1. Bank quyidagilarga haqli:

- hisob raqamga nisbatan talab qo'yilganda, pul mablag'larining mavjudligini va Mijozning ushbu mablag'larni hisob raqamidagi mablag' doirasida erkin tasarruf etish huquqini kafolatlagan holda, Mijozning bank hisob raqamidagi pul mablag'laridan moliyaviy resurslar manbai sifatida foydalanish;
- Bank tariflariga muvofiq Bankga to'lanishi lozim bo'lgan vositachilik haqini Mijozning hisob raqamidan akseptsiz yechib olish;
- hisob raqamga xizmat ko'rsatish uchun tariflarni belgilash;
- Mijoz tomonidan amaldagi qonun hujjatlarini, jinoyat faoliyatidan olingan daromadlarni legallashtirishga, terrorizmni moliyalashtirishga va ommaviy qirg'in qurollarini tarqatishni moliyalashtirishga qarshi kurashish to'g'risidagi qonun hujjatlarini buzganlik holatlari mavjud bo'lsa, shuningdek hisob-kitob hujjatlarini rasmiylashtirish tartibi va ularni Bankka taqdim etish

muddatlari buzilganda, Mijozning bank hisob raqamiga oid amaliyotlarni to'xtatib turish yoki ularni amalga oshirishni rad etish.

- Mijoz yoki uning operatsiyasi sanksiyalar doirasiga kirsa yoki unga kirish xavfi mavjud bo'lgan taqdirda, bank Mijoz tomonidan o'tkaziladigan operatsiyani o'rganish uchun qo'shimcha ma'lumotlarni talab qilishga, operatsiya summasini cheklash, operatsiyani cheklash (rad etish) yoki xizmat ko'rsatishni rad etish va Mijoz bilan tuzilgan shartnomani bir tomonlama bekor qilishga haqlidir.

- O'zbekiston Respublikasi qonun hujjatlari, shuningdek, O'zbekiston Respublikasi Markaziy bankining me'yoriy hujjatlari bilan Bank zimmasiga yuklatilgan majburiyatlarni bajarishga qaratilgan boshqa harakatlarni amalga oshirish;

- Qonun hujjatlarida belgilangan tartibda ushbu shartnomani bekor qilish to'g'risida talab qo'yish.

- Mijoz ushbu bilan Bank tegishli ma'lumotlarni Bank veb-saytida kamida 10 (o'n) kalendar kuni oldin joylashtirish orqali Mijozni avvaldan xabardor qilgan holda quyidagilarni o'z ixtiyoriga ko'ra o'zgartirishi mumkinligiga rozilik bildiradi, jumladan:

- Bank Tariflariga o'zgartirish va qo'shimchalar kiritish: Mijoz tomonidan Bankka komissiya to'lash va mazkur shartnoma bo'yicha bank xizmatlari bilan bog'liq boshqa to'lovlarni amalga oshirishning miqdori, tartibi va shartlarini o'zgartirish;

- Ushbu ofertaga o'zgartirish va qo'shimchalar kiritish. Bank operatsiyalari bo'yicha limitlarni o'rnatish va ularni o'zgartirish.

4.2. Bank quyidagilarni o'z zimmasiga oladi:

- Ushbu shartnomada nazarda tutilgan tartibda va shartlarda Mijozning bank hisob raqamiga tushayotgan pul mablag'larini qabul qilish va hisobdan chiqarish, Mijozning hisob raqamidan tegishli mablag'larni o'tkazish va yechib olish bo'yicha topshiriqlarini bajarish, xalqaro pul o'tkazmalari va depozitga doir amaliyotlar bo'yicha boshqa harakatlarni amalga oshirish;

- Mijozning hisob raqamiga pul mablag'larini o'tkazish yoki tegishli to'lov hujjati Bank tomonidan qabul qilingan kunning o'zida uning hisob raqamidan pul mablag'larini chiqarish, agar Bankning amaliyot o'tkazish kunida kelib tushgan bo'lsa. Agar to'lov hujjati amaliyot kuni tugaganidan keyin kelib tushgan bo'lsa, Bank keyingi ish kunidan kechiktirmay to'lovni amalga oshirishi shart;

- Mijozning hisob raqamiga oid amaliyotlarni sir saqlash. Mijozning roziligi bo'lmagan holda hisob raqam bo'yicha amaliyotlar to'g'risidagi ma'lumotlar faqat O'zbekiston Respublikasining amaldagi qonunlarida nazarda tutilgan hollarda uchinchi shaxslarga taqdim etiladi;

- Mijoz bank tariflari bilan mustaqil ravishda tanisha olishi uchun Bankning www.infinbank.com rasmiy saytiga Bank tariflarini joylashtirish;

- Naqd pul qo'yish uchun Mijozni ariza blankalari bilan ta'minlash;

- Mijozning talabiga binoan hisob raqamdan ko'chirmalar taqdim etish;

- Qonun hujjatlarida belgilangan tartibda Mijozning birinchi talabiga binoan pul mablag'lari (depozit)ni yoki uning bir qismini qaytarish.

4.3. Bank O'zbekiston Respublikasining amaldagi qonun hujjatlariga muvofiq boshqa huquq va majburiyatlarga ham ega bo'lishi mumkin.

4.4. Bank operatsiyalari bo'yicha o'rnatilgan limitlardan oshgan operatsiyalarni anderrayting tekshiruvidan o'tkazgan holda bajaradi.

5. TOMONLARNING MAJBURIYATI

5.1. Mijoz o'zi tomonidan Bankka taqdim etilgan pul-hisob-kitob yoki boshqa hujjatlardagi ma'lumotlarning noto'g'riligi yoki soxtaligi uchun javobgar bo'ladi va Bankka bunday ma'lumotlarni taqdim etish natijasida yetkazilgan zararlarni qoplash shart.

5.2. Mijoz telefon raqami o'zgarishi haqida Bankni o'z vaqtida xabardor qilmagan taqdirda, Bank Mijozning mobil telefoniga depozit to'g'risida SMS-ma'lumot jo'natganda bank sirlarining oshkor etilishi, shuningdek, unga depozit bo'yicha xabarlarni o'z vaqtida yubormaganligi uchun javobgar bo'lmaydi.

5.3. Mazkur shartnomada nazarda tutilmagan holatlarda tomonlar (Bank va Mijoz) ushbu shartnoma bo'yicha o'z zimmasiga olgan majburiyatlarni buzganliklari uchun O'zbekiston Respublikasi amaldagi qonunlariga muvofiq javobgar bo'ladilar.

6. FORS-MAJOR

6.1. Tomonlar ushbu shartnoma bo'yicha majburiyatlarni bajarmaslik yoki lozim darajada bajarmaslik uchun javobgarlikdan ozod qilinadilar, agar ushbu shartnoma tuzilganidan keyin tomonlar oldindan ko'ra olmagan va oqilona choralar bilan oldini ololmagan favqulodda holatlar oqibatida yuzaga kelgan engib bo'lmas kuch natijasida bo'lsa.

6.2. Engib bo'lmas kuch holatlari yuzaga kelgan taqdirda, ushbu shartnoma bo'yicha majburiyatlarni bajarish muddatlari bunday holatlar va ularning oqibatlariga mutanosib ravishda kechiktiriladi.

7. SHARTNOMANING AMAL QILISH MUDDATI

7.1. Ushbu shartnoma Bank tomonidan Mijoz aksepti olingan paytdan va depozit summasi talab qilib olinguncha hisob raqamiga kelib tushgan kundan boshlab yozma shaklda tuzilgan deb hisoblanadi va tomonlardan biri uni bekor qilmaguncha amal qiladi.

7.2. Bankning talabiga binoan ushbu shartnoma O'zbekiston Respublikasi qonun hujjatlarida nazarda tutilgan holatlarda bekor qilinishi mumkin.

7.3. Bank hisob raqami shartnomasining bekor qilinishi Mijozning hisob raqamini yopish uchun asos hisoblanadi.

8. SHARTNOMANING BOSHQA SHARTLARI

8.1. Shaxsiy ma'lumotlar to'g'risidagi qonunchilik talablariga muvofiq, Mijoz Bankka o'z faoliyatini yuritish, Bank tomonidan mazkur shartnoma shartlarini bajarish hamda O'zbekiston Respublikasi qonunchiligiga zid bo'lmagan boshqa maqsadlarda Bank tomonidan Mijozning har qanday shaxsiy ma'lumotlariga ishlov berish va ulardan foydalanishga muddatsiz roziligini taqdim etadi.

8.2. Ushbu bilan Mijoz barcha aloqa vositalari: pochta tarqatmasi, SMS-tarqatma, ovozli tarqatma, elektron xatlar tarqatmasi va h.k.dan foydalangan holda, ammo ular bilan cheklanmasdan bevosita aloqalarni amalga oshirish yo'li bilan Bank xizmatlarini targ'ib qilish bilan bog'liq reklama materiallarini Bankdan qabul qilishga o'z roziligini bildiradi.

8.3. Mijozning arizasiga asoslanib (ushbu ofertaga 1-ilova):

- Agar bir yil davomida hisobvaraqa bo'yicha amaliyotlar amalga oshirilmasa va hisobvaraqa qoldiq bo'lmasa, Bank shartnomani bekor qiladi va Mijozning hisobvarag'ini yopadi;

- Agar bir yil davomida hisobvaraqa bo'yicha amaliyotlar amalga oshirilmagan bo'lsa va hisobvaraqa bo'yicha qoldiq mavjud bo'lsa, hisobvaraqa qoldiq Bank tomonidan harakatsiz hisob raqamiga o'tkaziladi, shundan so'ng ushbu shartnoma bekor qilinadi va Mijozning hisobvaraği yopiladi.

8.4. Agar Mijoz bank hisobvarag'idagi qoldiq harakatsiz hisobvaraqa o'tkazilganidan keyin 10 (o'n) yil davomida ushbu qoldiqni talab qilmasa, harakatsiz hisobvaraqa qoldiq "29840 – Moliya vazirligiga o'tkaziladigan talab qilib olinmagan depozitlar" hisobvarag'iga o'tkaziladi.

8.5. Agar texnik jihatdan imkon bo'lsa, omonat (omnat ochilayotgan filialda ochilgan barcha depozitlar) ochishda omonat qoldig'i, kirim va chiqim amaliyotlari to'g'risida va boshqa zarur ma'lumotlarni Mijozning mobil telefoniga yuborish uchun SMS-xabarnoma xizmati ulanadi.

8.6. Omonat bo'yicha amaliyotlar to'xtatilgan hollarda, Bank amaliyotlar to'xtatilgan kundan boshlab keyingi ish kunidan kechiktirmay Mijozga uning hisob raqamiga xizmat ko'rsatish to'xtatilganligi va uning sabablarini to'g'risida ma'lumot (xabar) yuboradi.

8.7. Kreditlar, mikroqarzlarni va lizing bo'yicha qarzlarni to'lash uchun omonatdan pul mablag'lari Mijozning topshiriqsiz yechib olingan taqdirda, Bank pul mablag'lari hisobdan chiqarilgan kundan boshlab keyingi ish kunidan kechiktirmay Mijozga pochta orqali yechib olingan summa va buning sabablarini, shuningdek u kimning foydasiga amalga oshirilganligi haqida xabarnoma yuboradi.

8.8. Ushbu Shartnomaning 8.6. va 8.7.-bandlarida nazarda tutilgan ma'lumotlar (xabarnomalar) Mijozga shaxsan, elektron aloqa va boshqa aloqa kanallari orqali ham yetkazilishi mumkin. Mijoz ma'lumotni (xabarnomani) yetkazib berish usulini Bankka shaxsan kelib yoki pochta orqali yozma ariza berish orqali o'zgartirishga haqli. Shu bilan birga, Mijozdan qabul qilingan ariza Bank tomonidan uning bank hisob raqamiga doir yig'ma jildda yoki omonat hisob raqamlari bo'yicha alohida kartoteka saqlanadi. Ma'lumotnomani (xabarnomani) Mijozga yetkazib berish usulining o'zgarishi munosabati bilan ushbu shartnomaga o'zgartirishlar kiritish talab etilmaydi.

8.9. Hisobvaraqdan foydalangan holda bank operatsiyalarini masofaviy amalga oshirishda Mijoz quyidagilar haqida ogohlantiriladi:

- Noqonuniy operatsiyalarga aralashib qolish xavfi Mijozning zimmasida ekanligi haqida;
- Mijoz noqonuniy operatsiyalarga aralashib qolgan taqdirda, bank O'zbekiston

Respublikasining amaldagi qonunchiligiga muvofiq tegishli choralar ko'rishi haqida.

8.10. Bankning bank operatsiyalarini amalga oshirish huquqiga litsenziyasi O'zbekiston Respublikasi Markaziy banki tomonidan chaqirib olingan taqdirda, Mijozning Bankdagi omonati bo'yicha haq to'lashni kafolatlash Fuqarolarning banklardagi omonatlarini kafolatlash fondi tomonidan amalga oshiriladi. Fond tomonidan Mijozning Bankdagi omonati bo'yicha haq to'lashning kafolatlanishi Bank qayta tashkil etilishi munosabati bilan litsenziya chaqirib olingan holatlarga tatbiq etilmaydi.

8.11. Ushbu Shartnomadan kelib chiqadigan barcha nizolarni tomonlar ikki tomonlama muzokaralar yo'li bilan hal qiladilar. Tomonlar kelishuvga erishmagan kelishmovchiliklar bank joylashgan joy bo'yicha sudga hal qilinadi.

8.12. Ushbu Ofertani qabul qilish orqali Mijoz shartnomaning barcha shartlarini so'zsiz qabul qilganligini tasdiqlaydi va uni bajarish majburiyatini oladi.

8.13. Norresidentning O'zbekiston Respublikasidagi manbalardan olingan va doimiy muassasa bilan bog'liq bo'lmagan daromadlaridan olinadigan soliq norresidentga daromad to'lovchi soliq agenti tomonidan hisoblab chiqariladi va ushlab qolinadi. Soliqning ushlab qolinishi soliq to'lovchining daromadlaridan bunday daromadlarning har bir to'lovi paytida amalga oshiriladi.

8.14. Bank ushbu Ofertaning yangi tahririni va Bank Tariflarini veb-saytga joylashtirish orqali ushbu Oferta shartlariga o'zgartirish kiritish huquqiga ega. Kiritilgan o'zgartirishlar Bankning rasmiy veb-saytida joylashtirilgan paytdan boshlab Bank va Mijoz uchun majburiy bo'lib qoladi.



9. BANK REKVIZITLARI

“InFinBank” AJ

STIR: 206 942 764, MFO: 01041, OKED (IFTK): 64190

Manzil: 100029, Toshkent sh., T. Shevchenko ko‘chasi, 1-uy

Qisqa raqam: (1214)

**Jismoniy shaxslarga milliy va xorijiy valyutada talab qilib olinguncha depozit hisob
raqamini ochish va unga xizmat ko'rsatish uchun shartnoma tuzish to'g'risidagi
Ommaiy Oferta 1-Ilova**

**Hisob raqam ochish uchun
ARIZA**

	dan
--	------------

Hisob raqam ochishingizni so'rayman:

- | | |
|--|--|
| Hisob raqam turi: | Hisob raqam valyutasi: |
| ☐ Talab qilib olinguncha depozit; | ☐ So'm |
| ☐ Muddatli depozit; | ☐ AQSH dollari; |
| ☐ Omonat depoziti; | ☐ Yevro; |
| ☐ Boshqa _____; | ☐ Boshqa _____; |

O'z imzoim namunasini beraman _____

Agar bir yil davomida hisobvarag'im bo'yicha amaliyotlar amalga oshirilmasa:

- va hisobvarag'imda qoldiq bo'lmasa, shartnomani bekor qilishingizni va hisobvarag'imni yopishingizni so'rayman;
- va hisobvarag'imda qoldiq mavjud bo'lsa, hisobvarag'imdagi qoldiqni harakatsiz hisob raqamga o'tkazishingizni, shundan so'ng shartnomani bekor qilishingizni va hisobvarag'imni yopishingizni so'rayman;

Ommaviy oferta shartlari va hisob raqamga xizmat ko'rsatish tariflari bilan tanishdim va roziman.

**Hisob raqam egasining
imzosi** _____

Sana _____ **yil**

BANKNING ISHGA OID QAYDNOMALARI

Ishga oid harakat/qaror/ qaydlar	Hodimning F.I.SH.	Imzo
Arizani qabul qildi	_____	

_____ sonli hisob raqami																			
-----------------------------	--	--	--	--	--	--	--	--	--	--	--	--	--	--	--	--	--	--	--

Bank muassasi kodi (MFO)					
-----------------------------	--	--	--	--	--

